

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସିୟ ବିଶ୍ୱାସୀକତାଃତେ ପ୍ରେରିତ୍ ପାଉଲୁସ୍‌ଆଃ ଚିଟାଉ ପାରିଟାଏ

କଲସିୟ କାଲିସିୟାତେ ଅଲ୍ଲାକାନ୍ ଚିଟାଉ ପାଉଲୁସ୍‌ଆଃ ହରାତେ ଅଲ୍ଲାକାନା, ୧:୧ । ହବାସାକାଅଆଃ ପାଉଲୁସ୍, ଯୀଶୁ ଖ୍ରୀଷ୍ଟିଆଃ ଜାନାମ୍ ତାୟମ୍ ୬୦ କରେ ରୋମ୍‌ରେ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉ ଅଲ୍ଲାକାଦାଏ । କଲସିୟ ଚିଟାଉଲଃ ଏଫିସୁସ୍ ଆଡ଼ଃ ଫିଲିପି ଚିଟାଉକେ ଜେହେଲ୍‌ରେ ଅଲ୍ଲାକାନ୍ ଚିଟାଉ ମେନ୍ତେ କାଜିୟାଃକ, ଚିଆଃଚି ପାଉଲୁସ୍ ଜେହେଲ୍ଲାକାନ୍ ତାଇକେନ୍ ଇମ୍‌ତା ନେ ଚିଟାଉକେ ଅଲ୍ଲାକାଦ୍ ତାଇକେନା । ଇନିଃ କଲସିୟ ସାହାରରେ ତାଇକାନ୍ କାଲିସିୟାତାଃତେ ନେ ଚିଟାଉ ଅଲ୍ଲାକାଦ୍ ତାଇକେନାଏ । ପାଉଲୁସ୍ ନେ କାଲିସିୟାକେ କାଏ ଏଟେଦ୍‌କାଦ୍ ତାଇକେନା, ୨:୧ । ମେନ୍‌ଦ ପୁରାଃ ହଡ଼କ ଏନାରେ ଆୟାଃ ବାହାରମ୍ ଲାଦିକାନ୍ ତାଇକେନ୍ କାଜି ଆଟ୍‌କାର୍‌କାଦାକ । ଏପାପ୍ରସ୍ ନେ କାଲିସିୟା ବାଇୟାକାଦ୍ ତାଇକେନାଏ, ଏନାତେ ଇନିଃ କଲସିୟରେନ୍ ହଡ଼ ତାଇକେନାଏ ।

ପାଉଲୁସ୍ କଲସିୟ କାଲିସିୟାରେୟାଃ ଚିମିନ୍ ହସଡ଼ ଇନିତୁ ବିଷାଏରେ ଉଡ଼ୁ ତାଇକେନା । ଇନିଃ ନେ ବିଷାଏରେ ଚିଟାଉ ଅଲେ ନାଗେନ୍ତେ ପୁରାଃ ଦିପିଲି ବିତାଅକାଦା । ନେଆଁରେ ହବାସାକାଅଆଃ ମିଦ୍ ଝୁଣ୍ଡ୍ ଯିହୁଦୀ ଖ୍ରୀଷ୍ଟିୟାନ୍, ଅକନ୍‌କଚି ଏଟାଃ ଖ୍ରୀଷ୍ଟିୟାନ୍‌କକେ ମାରି ନିୟାମ୍‌ରେୟାଃ ଯିହୁଦୀ ଆନ୍‌ତୁ ଆଡ଼ଃ ଖାଦ୍‌ନାଅରେୟାଃ ରିଡିରିଝାଜ୍‌କେ ମାନାତିଜ୍ ନାଗେନ୍ତେ ଜାବାର୍‌ଜାସ୍ତ୍ରି ରିକା ନାଗେନ୍ତେ କାଜିକ ତାଇକେନାକ । ପାଉଲୁସ୍, ନୁତୁମ୍‌ରେନ୍ ଏସକାର୍ ଖ୍ରୀଷ୍ଟିୟାନ୍‌କଆଃ ବିଷାଏରେ ଅଲ୍ଲାକାଦା, ମିହୁଡ୍‌ଜେତାଏ ତାଇନଃରେୟାଃ ଖ୍ରୀଷ୍ଟ ବେଗାର୍ ପାର୍‌ମେଶ୍ୱାର୍‌ତାଃରେ କାଏ ତେଲ୍ଲାଦାରମଃଆ, ୧:୧୫-୨୦ ଆଡ଼ଃ ମାନଝା ହରାତେ ବାଇୟାକାନ୍ ଇନିତୁ ସାମାତାନାଃ, ୨:୮ ।

ପୁଅ ଭିତରରେ ତାଙ୍କକାନ୍ କାଜି

୧. କଲସିୟ କାଲିସିୟାକେ ପାଉଲୁସଆଃ ଜହାର୍ । ୧:୧-୨
୨. ଖ୍ରୀଷ୍ଟଆଃ ମାନାରାଙ୍ଗ୍ ଆତଃ ହସଡ୍ ଇଡୁତାନ୍କଆଃ ବିରୁଧ୍ରେ ପାଉଲୁସଆଃ କାଜିକଟଙ୍ଗ୍ । ୧:୩-୩:୪
୩. ବୁଗିନ୍ ଖ୍ରୀଷ୍ଟିୟାନ୍ ଜୀଝାନ୍ ବିତାଅ ନାଗେନ୍ତେ ପାଉଲୁସଆଃ ଆନାରୁ । ୩:୫-୪:୬
୪. ପାଉଲୁସ୍ ନେ ଚିଟାଉକେ ଏଟାଃ କାଲିସିୟାରେୟଗି ପାଡ଼ାଅ ନାଙ୍ଗ୍ କାଜିକେଦ୍ତେ ଜହାର୍ତାନ୍ଲଃ ଅଲ୍ ଚାବାକାଦାଏ । ୪:୭-୧୮

ଜହାର୍

^୧ ପାର୍ମେଶ୍ୱାର୍ଆଃ ସାନାଙ୍ଗ୍ ଲେକାତେ ଯୀଶୁ ଖ୍ରୀଷ୍ଟଆଃ ମିୟାଦ୍ କୁଲ୍ଲାନିନ୍ଦିଃ ପାଉଲୁସ୍ ଆତଃ ଆବୁଆଃ ହାଗା ତୀମଥ୍, ^୨ କଲସିୟରେ ତାଙ୍କନଃତାନ୍ ପାର୍ମେଶ୍ୱାର୍ଆଃ ପାବିତାର୍ ହଡକକେ ଆତଃ ଖ୍ରୀଷ୍ଟରେ ମେସାକାନ୍ ଆବୁଆଃ ପାତିୟାର୍ରେଃ ଲେକାନ୍ ହାଗା ମିଶିକତାଃତେ ଆଲିଙ୍ଗ୍ ନେ ଚିଟାଉଲିଙ୍ଗ୍ ଅଲେତାନା ।

ଆବୁଆଃ ଆପୁ ପାର୍ମେଶ୍ୱାର୍ ଆପେକେ ସାୟାଦ୍ ଆତଃ ଜୀଉସୁକୁ ଏମାପେକାଏ ।

ଧାନ୍ୟବାଦରାଃ ବିକ୍ରି

^୩ ଆଲେ ଆପେ ନାଗେନ୍ତେ ବିକ୍ରିତାନ୍ ଇମ୍ତା ଆବୁଆଃ ପ୍ରାଭୁ ଯୀଶୁ ଖ୍ରୀଷ୍ଟଆଃ ଆପୁ ପାର୍ମେଶ୍ୱାର୍କେ ସବେନ୍ ଇମ୍ତା ଧାନ୍ୟବାଦ୍ ଏମାଃଲେ । ^୪ ଚିଆଃଚି ଆଲେ ଖ୍ରୀଷ୍ଟ ଯୀଶୁତାଃରେ ଆପେୟାଃ ବିଶ୍ୱାସ୍ ଆତଃ ପାର୍ମେଶ୍ୱାର୍ଆଃ ହଡକଆଃ ନାଗେନ୍ତେ ଆପେୟାଃ ଦୁଲ୍ଲାଡ୍ ବିଷାଏରେ ଆୟୁମାକାଦାଲେ । ^୫ ଚିମ୍ତା ସୁକୁକାଜିରେୟାଃ ସାର୍ଡକାଜି ଆପେତାଃଏତେ ପାହିଲା ହିଜୁଃୟାନା, ଆପେ ଏନା ହରାତେ ଏମାକାନ୍ ଆସ୍ରାଏରେୟାଃ କାଜି ଆୟୁମାକାଦ୍ ତାଙ୍କକେନାପେ । ଆପେ ଅକ୍ନାଃ ଆସ୍ରାଏ ତାନାପେ ଏନା ଆପେ ନାଗେନ୍ତେ ସିମ୍ପାରେ ଜାଡନାଅକେଦ୍ତେ ଦହାକାନା, ଏନ୍ ଆସ୍ରାରେ ଆପେୟାଃ ବିଶ୍ୱାସ୍ ଆତଃ ଦୁଲ୍ଲାଡ୍ ଠାହାରାଅକାନା । ^୬ ଏନ୍ ସୁକୁକାଜି ଉଦ୍ବଃ ହରାତେ ଆପେ ପାହିଲା ପାର୍ମେଶ୍ୱାର୍ଆଃ ସାୟାଦ୍ ବିଷାଏପେ ଆୟୁମ୍କେଦା ଆତଃ ଏନାରେୟାଃ ସାନାର୍ଡକେପେ

ସାରିକେଦା, ଏନ୍ ସୁକୁକାଜି ନାହାଁଃ ଗଟା ଅତେଦିଶୁମ୍ରେ ନିତିରୁଅଃ ତାନା ଆଡ଼ଃ ଆଶିଷ୍ ଆଉଝେତାନାଏ । ^୭ ☆ଆଲେ ସାଃଏତେ ଖ୍ରୀଷ୍ଟୁଆଃ ପାତିୟାରରଃ ଲେକାନ୍ ଦାସି ଆଡ଼ଃ ଆବୁଲଃ ମିସାତେ କାମିତାନ୍ ଆବୁଆଃ ଦୁଲାଡ୍ ଗାତିଦାସି ଏପାପ୍ରାତାଃଏତେ ଆପେ ପାର୍ମେଶ୍ଵାରୁଆଃ ନେ ସାୟାଦ୍ ବିଷାଏରେ ଇଡୁଆକାନାପେ । ଠ ପାବିତାର ଆମ୍ ଆପେକେ ଏମାକାଦ୍ପେ ଦୁଲାଡ୍ ବିଷାଏରେ ଇନିଃ ଆବୁକେ କାଜିକାଦ୍ବୁଆ ।

^୮ ନେଆଁ ନାଗେନ୍ତେ, ଆଲେ ଆପେୟାଃ ବିଷାଏରେ ଆୟୁମ୍କେଦ୍ ହୁଲାଙ୍ଗ୍ତାଃଏତେ ସବେନ୍ ହୁଲାଙ୍ଗ୍ ଆପେ ନାଗେନ୍ତେଲେ ବିକ୍ରିତାନା । ପାବିତାର ଆମ୍ ଏମାକାଦ୍ ସବେନ୍ ସେଣାଁ ଆଡ଼ଃ ଆବ୍କାରୁଉରୁମ୍ ଦାଡ଼ିରେୟାଃ ପେଡ଼େଃ ହରାତେ ପାର୍ମେଶ୍ଵାରୁଆଃ ଇଛାସାନାଙ୍ଗ୍ରେ ଆପେକେ ବୁଞ୍ଚିତେ ପେରେଃପେକା ମେନ୍ତେ ପାର୍ମେଶ୍ଵାରକେଲେ ଆସିତାନା । ^{୧୦} ଏନାତେ ଆପେ ପ୍ରାଭୁଆଃ ଇଛାସାନାଙ୍ଗ୍ ଲେକାତେ ଜୀଦାନ୍ ବିତାଅ ଦାଡ଼ିୟାପେ ଆଡ଼ଃ ଆଇଃକ୍କେ ସୁକୁଆଇ ଲେକା କାମି ରିକା ଦାଡ଼ିୟାପେ । ଆପେ ଜୀଦାନ୍ରେ ସବେନ୍ ଲେକାନ୍ ବୁଗିନ୍ କାମି ରିକା ଦାଡ଼ିୟାପେ ଆଡ଼ଃ ଆପେ ପାର୍ମେଶ୍ଵାରୁଆଃ ସେଣାଁରେ ହାରା ଇଦିୟଃଆପେ । ^{୧୧} ଧୁରାଜ୍ରେ ଆପେ ଜେ'ଲେକା ସବେନ୍ ବିଷାଏ ସାହାତିଙ୍ଗ୍ ଦାଡ଼ିୟାପେ, ଏନାମେନ୍ତେ ଆୟାଃ ମାନାରାଙ୍ଗ୍ରେୟାଃ ପେଡ଼େଃତେ ପେଡ଼େୟାନ୍ ହବାଅଃପେ । ^{୧୨} ଆପୁ ପାର୍ମେଶ୍ଵାର୍ ମାର୍ସାଲ୍ ରାଇଜ୍ରେ ଆୟାଃ ପାବିତାର୍ ହଡକ ନାଗେନ୍ତେ ଅକନାଃ ବୁଗିନ୍ତେୟାଃ ଦହକାଦାଏ, ଏନାରେୟାଃ ହିସା ହବାଅଃ ନାଗେନ୍ତେ ଇନିଃ ଆପେକେ ଏନା ନାମେ ଲେକାଏ ବାଇୟାକାଦ୍ପେୟା, ଏନାମେନ୍ତେ ରାସ୍କାତେ ଇନିଃକେ ଧାନ୍ୟାବାଦ୍ ଏମାଇପେ । ^{୧୩} ଇନିଃ ନୁବାଃରାଃ ପେଡ଼େଃହେତେ ଆବୁକେ ବାଞ୍ଛାଅକାଦ୍ବୁଆ ଆଡ଼ଃ ବେଗାର୍ ବିପାଦ୍ରେ ଆବୁକେ ଆୟାଃ ଦୁଲାଡ୍ ହନ୍ଆଃ ରାଇଜ୍ରେ ଆଉଝାକାଦ୍ବୁଆ । ^{୧୪} ☆ଏନ୍ ହନ୍ଆଃ ହରାତେ ଆବୁ ରାଡ଼ାକାନାରୁ, ତାଏ ଆବୁଆଃ ପାପ୍ ଛାମା ହବାକାନା ।

ଖ୍ରୀଷ୍ଟୁ ଆଡ଼ଃ ଇନିୟାଃ କାମି

୧୫ ନେଲକ୍ଷତାନ୍ ଖ୍ରୀଷ୍ଟ କା ନେଲକ୍ଷତାନ୍ ପାର୍ମେଶ୍ଵାର୍ ଲେକାନ୍ନିଃ ତାନିଃ । ଇନିଃ ସବେନ୍ ବାଇୟାକାନ୍ତେୟାଃରାଃ ମାରାଙ୍ଗ୍ ଉତାର୍ନିଃ ଆତଃ ମୁଡ଼କୁଲ୍ ହନ୍ ତାନିଃ । ୧୬ ଚିଆଃଚି ଇନିଃ ହରାତେ ପାର୍ମେଶ୍ଵାର୍ ସିର୍ମାରେ ଆତଃ ଅତେରେ, ସବେନ୍ ନେଲକ୍ଷତାନ୍ ଆତଃ କା ନେଲକ୍ଷତାନ୍ତେୟାଃ, ରାଜଗାଦିରେ ଦ୍ରୁବାକାନ୍କ, ପେଡେଃକ, ରାଜଜେତାନ୍କ, ଆକ୍ତେୟାର୍କାଦକ, ନେ ସବେନାଃ ଆୟାଃ ହରାତେ ଆତଃ ଆୟାଃ ନାଗେନ୍ତେ ବାଇୟାକାନା । ୧୭ ସବେନାଃ ବାଇୟାନ୍ ସିଦାରେ ଖ୍ରୀଷ୍ଟ ତାଇକେନାଏ ଆତଃ ଆୟାଃଲକ୍ଷ ମେସାୟାନ୍ ହରାତେ ସବେନାଃ ଆପାନାଃ ଆପାନାଃ ଠାୟାଦ୍ରେ ତାଇନ୍ୟାନା । ୧୮ ✱ଇନିଃ ଗନଏଃ ହଡ଼ମଏତେ ଜୀଉବିରିଦାକାନ୍ ମୁଡ଼କୁଲ୍ ହନ୍ ତାନିଃ ଆତଃ ଆୟାଃ ସେଞ୍ଜାତାନ୍କଆଃ କାଲିସିୟାରାଃ ମାରାଙ୍ଗ୍ ଉତାର୍ନିଃ ତାନିଃ, ଇନିଃ ସବେନ୍ ବିଷାଏରେ ପାହିଲା ଠାୟାଦ୍ ନାମେନିଃ ତାନିଃ । ୧୯ ଚିଆଃଚି ପାର୍ମେଶ୍ଵାର୍ ଆୟାଃ ସୁକୁଲେକାତେ ହନ୍ ଆଇଃକ୍ଚି ପାର୍ମେଶ୍ଵାର୍ଆଃ ପୁରା ସଭାଦ୍ ସାବାକାଦାଏ । ୨୦ ✱ହନ୍ଆଃ ହରାତେ ପାର୍ମେଶ୍ଵାର୍ ସବେନ୍ ଅତେଦିଶ୍ଵମ୍ବକେ ଆଉ ରୁହାଡ଼୍ ନାଗେନ୍ତେ ଉହାଟ୍କେଦା । କୁଶ୍ରେ ଆୟାଃ ହନ୍ଆଃ ଦାଣ୍ଠେ ମାୟୋମ୍ ହରାତେ ପାର୍ମେଶ୍ଵାର୍ ଜୀଉସୁକୁଇ ବାଇକେଦା, ଏନାତେ ଅତେ ଆତଃ ସିର୍ମାରେ ତାଇକାନ୍ ସବେନ୍ ବିଷାଏକେ ଆପାନ୍ତାଃତେ ଆଉରୁହାଡ଼କାଦା ।

୨୧ ସିଦାଦ, ଆପେ ମନ୍ରେ ଏଡ଼କାନ୍ ଉଡ଼ଃ ଆତଃ ଏଡ଼କାନ୍ କାମିକ ରିକାତାନ୍ ହରାତେ ଆପେ ପାର୍ମେଶ୍ଵାର୍ତାଃଏତେ ସାଜିନ୍ରେ ତାଇକେନାପେ ଆତଃ ଆୟାଃ ବାଇରିକ ତାଇକେନାପେ । ୨୨ ମେନ୍ଦ ନାହାଃ ପାର୍ମେଶ୍ଵାର୍ ଆପେକେ ପାବିତାର୍, ଫାର୍ଚି, ଆତଃ ବେଗାର୍ ଚିଟାକାନ୍ ଲେକା ଆୟାଃ ହେପାଦ୍ରେ ଆଉପେ ନାଙ୍ଗ୍ ଆୟାଃ ହନ୍ରାଃ ହଡ଼ମ ଗନଏଃ ହରାତେ ଆପେକେ ଆୟାଃଲକ୍ଷ ଆତଃମିସାଏ ମେସାକାଦ୍ରେୟା । ୨୩ ଆପେ ଆପେୟାଃ ବିଶ୍ଵାସ୍ରେୟାଃ କେଟେଦ୍ ନିହିଁ ଗାତାରେ ତିଙ୍ଗୁକେଟେଦ୍କେଦ୍ରେ ତାଇନ୍କାନ୍ପେ ଆତଃ ସୁକୁକାଜି ଆୟାମେ ଇମ୍ତା ଅକ ଆସ୍ତାପେ ନାମାକାଦା, ଏନାଏତେ ଆପେ ନେଡେହାନ୍ତେଅଃ ଲେକା ଆଲପେ ହବାଅଃଆ । ଏନ୍ ସୁକୁକାଜିଗି ଅତେଦିଶ୍ଵମ୍ବରେନ୍ ସବେନ୍କତାଃରେ

✱ ୧:୧୮ ୧:୧୮ ଏଡ଼ିସିୟ ୧:୨୨,୨୩.

✱ ୧:୨୦ ୧:୨୦ ଏଡ଼ିସିୟ ୨:୧୭.

ଉଦ୍‌ବଃତାନା ଆଡ଼ଃ ଆଇଙ୍ଗ୍, ପାଉଲୁସ୍ ଏନାରେନ୍ ମିଆଁଦ୍ ପାତିୟାର୍‌ରଃ ଲେକାନ୍ ଦାସି ହବାୟାନାଇଙ୍ଗ୍ ।

କାଲିସିୟାରେ ପାଉଲୁସ୍‌ଆଃ କାମି

^{୨୪} ନାହାଁଃଦ ଆପେ ନାଗେନ୍ତେ ଆଇଙ୍ଗ୍ ଅକ ଦୁକୁ ନାମେତାନାଇଙ୍ଗ୍, ଏନାମେନ୍ତେଇଙ୍ଗ୍ ରାସକାଅଃତାନା । ଚିଆଃତି ଆଇୟାଃ ହଡ଼ମରେୟାଃ ଦୁକୁ ହରାତେ ଆଇଙ୍ଗ୍ ଖ୍ରୀଷ୍ଟୁଆଃ ହଡ଼ମ ଲେକାନ୍ କାଲିସିୟା ସାଃଏତେ ଖ୍ରୀଷ୍ଟୁଆଃ ଦୁକୁହାସୁରେ ସାରେୟାକାନ୍ ତେୟାଃକେ ପୁରାଏ ନାଗେନ୍ତେଇଙ୍ଗ୍ ଦେଙ୍ଗାଏତାନା । ^{୨୫} ଆପେୟାଃ ବୁଗିନାଃ ନାଗେନ୍ତେ ନେ କାମି ରିକା ନାଙ୍ଗ୍ ପାର୍‌ମେଶ୍ୱାର୍‌ଆଃ ହରାତେ କାଲିସିୟାରାଃ ମିଆଁଦ୍ ସୁସାର୍‌ତାନ୍‌ନିଃ ଲେକାଇଙ୍ଗ୍ ସାଲାକାନା । ନେ ସୁକୁକାଜିକେ ପୁରାଗି ପ୍ରାଚାର୍ ନାଗେନ୍ତେଇଙ୍ଗ୍ କାମିତାନା । ^{୨୬} ଏନ୍ ସୁକୁକାଜିକେ ପାର୍‌ମେଶ୍ୱାର୍ ନାଙ୍ଗ୍ ପାରିୟାହେତେ ସବେନ୍‌କତାଃଏତେ ଉକୁକେଦ୍‌ତେ ଦହକାଦ୍ ତାଇକେନା, ମେନ୍‌ଦ୍ ନାହାଁଃ ଆୟାଃ ପାବିତାର୍ ହଡ଼କତାଃରେ ଉଦ୍‌ବବାକାଦା । ^{୨୭} ଚିଆଃତି ଆୟାଃ ହଡ଼କକେ ଏନ୍ ଉକୁଆକାନ୍‌ତେୟାଃ ଉଦ୍‌ବକ୍ ନାଗେନ୍ତେ ପାର୍‌ମେଶ୍ୱାର୍ ଉହାଟ୍‌କେଦାଏ, ଆୟାଃ ନେ ପୁରାଃ ଗନଙ୍ଗ୍‌ଆଁନ୍ ଆଡ଼ଃ ମାନାରାଙ୍ଗ୍‌ତେୟାଃ ସବେନ୍ ହଡ଼କ ନାଗେନ୍ତେ ତାନାଃ । ଏନ୍ ଉକୁଆକାନ୍‌ତେୟାଃ ହବାଅଃତାନା, ଖ୍ରୀଷ୍ଟୁ ଆପେରେ ମେନାଇୟା । ନେଆଁରାଃ ମୁଣ୍ଡି ହବାଅଃତାନା, ଆପେ ପାର୍‌ମେଶ୍ୱାର୍‌ଆଃ ମାନାରାଙ୍ଗ୍‌ରେୟାଃ ଆସ୍ତାରେନ୍ ହିସାତାନ୍‌ପେ । ^{୨୮} ଏନାମେନ୍ତେ ଆବୁ ସବେନ୍‌କତାଃରେ ଖ୍ରୀଷ୍ଟୁଆଃ ବିଷାଏରେ ଉଦ୍‌ବେତାନାବୁ । ମିମିୟାଦ୍ ସବେନ୍‌କକେ ଖ୍ରୀଷ୍ଟୁଲଃ ମେସାକେଦ୍‌ତେ ମିଆଁଦ୍ ପକ୍‌ତା ହଡ଼ ଲେକା ପାର୍‌ମେଶ୍ୱାର୍‌ଆଃ ଆୟାର୍‌ରେ ତିଙ୍ଗୁକ ନାଗେନ୍ତେ ଆବୁଆଃ ସବେନ୍ ଲେକାନ୍ ସେଣାଁତେ, ସବେନ୍‌କକେ ଚିରଗାଲ୍ ଆଡ଼ଃ ଇଡ଼କତାନାବୁ । ^{୨୯} ନେଆଁକେ ପୁରାଏ ନାଗେନ୍ତେ ଆଇଙ୍ଗ୍‌ତାଃରେ କାମିକାତେୟାଃତାନ୍ ଖ୍ରୀଷ୍ଟୁ ଆଇଙ୍ଗ୍‌କେ ଏମାକାଦିଙ୍ଗ୍ ମାରାଙ୍ଗ୍ ପେଡ଼େଃତେ ଆଇଙ୍ଗ୍ ପୁରାଃ କେଟେଦ୍ କାମିତେଇଙ୍ଗ୍ ଲାଗାଉତାର୍‌କାନା ।

୨

^୧ ଆପେ ନାଗେନ୍ତେ, ଲାଉଦିକିଆରେ ତାଇନ୍‌ତାନ୍ ହଡ଼କ ଆଡ଼ଃ ଆଇଙ୍ଗ୍‌କେ ବୁଗିଲେକାତେ କା ସାରିୟାକାଦ୍ ସବେନ୍ ହଡ଼କ

ନାଗେନ୍ତେ ଆଇଙ୍ଗ୍ ଚିମିନ୍ କେଚେଦ୍ କାମିକ କାମିତାନା । ଏନା ଆପେ ସାରିପେ ମେନ୍ତେଇଙ୍ଗ୍ ସାନାଙ୍ଗ୍ତାନା । ^୨ ଇନ୍କୁ ସବେନ୍କ ଚିଲ୍କା ଜୀଉରେ ରାସ୍‌କାଅଃଆକ, ମିହୁଡ୍, ଆଡଃମିହୁଡ୍‌ଲଃ ଦୁଲାଡ୍‌ରେ ତାଇନାକ ଆଡଃ ସାର୍‌ତି ସେଣ୍ଟା ନାମ୍‌କେଦ୍‌ତେ ଆସ୍‌ାଏ ଲେକାନ୍ ଖୁଜ୍‌ରେୟାଃ ପୁରା ଆକ୍‌ତେୟାର୍‌କ ନାମେକା ମେନ୍ତେଇଙ୍ଗ୍ ସାନାଙ୍ଗ୍ତାନା । ନେଆଁ ହରାତେ ଇନ୍କୁ ସବେନ୍କ ସାରିୟାକ ଯେ, ଯୀଶୁ ଖ୍ରୀଷ୍ଟି ପାରମେଶ୍ୱାର୍‌ଆଃ ଏନ୍ ଉକୁଆକାନ୍‌ନିଃ ତାନିଃ । ^୩ ଯୀଶୁ ଖ୍ରୀଷ୍ଟ୍ ହବାଅଃତାନାଏ ଏନ୍ ଚାଡ୍‌କୁଖିଁ, ଅକ୍‌ନାଃତି ପାରମେଶ୍ୱାର୍‌ଆଃ ସେଣ୍ଟା ଆଡଃ ବୁଝି ଲେକାନ୍ ସବେନ୍ ଦାନାଙ୍ଗ୍‌ଆକାନ୍ ଖୁଜ୍‌ରେୟାଃ ଭାଣ୍ଡାର୍‌ ନିଜଃଆ ।

^୪ ଜେତାଏ ଆପେକେ ଏଡ୍‌କାନ୍ କାପଜିତେ ଆଲକାଏ ବେଦାପେକା, ଏନାମେନ୍ତେଇଙ୍ଗ୍ କାଜିପେତାନା । ^୫ ଚିଆଃତି ଆଇଙ୍ଗ୍ ହଡ୍‌ମଲେକାତେ କାଇଙ୍ଗ୍ ତାଇନଃରେୟ, ଆମ୍‌ଲେକାତେ ଆପେଲଃ ମେନାଇୟାଁ । ଆଇଙ୍ଗ୍ ଆପେୟାଃ ବୁଗିନ୍ ଜୀଦାନ୍ ଆଡଃ ଖ୍ରୀଷ୍ଟ୍ ଚେତାନ୍‌ରେ ପୁରାଃ ବିଶ୍ୱାସ୍ ନେଲ୍‌କେଦ୍‌ତେ ରାସ୍‌କାଅଃ ତାନାଇଙ୍ଗ୍ ।

ୟୀଶୁ ଖ୍ରୀଷ୍ଟାଃରେ ପୁରା ତାଇନ୍‌ପେ

^୬ ଆପେ ଖ୍ରୀଷ୍ଟ୍ ଯୀଶୁକେ ପ୍ରାଭୁ ମେନ୍ତେପେ ବିଶ୍ୱାସ୍‌କିଃ ହୁଲାଙ୍ଗ୍‌ତାଃଏତେ, ଆୟାଃଲଃ ମେସାକେଦ୍‌ତେ ଜୀଦାନ୍ ବିତାଏପେ । ^୭ ଆପେୟାଃ ନିହିଁଗାତା ଆୟାଃ ଚେତାନ୍‌ରେ କେଚେୟାନ୍‌ଗି ବାଇକେଦ୍‌ତେ ଜୀଦାନ୍ ବାଇୟେପେ ଆଡଃ ଆପେ ନାମାକାଦ୍ ଇନିତୁ ଲେକାତେ ବିଶ୍ୱାସ୍‌ରେ ପୁରାଃ କେଚେଜଃପେ । ଆପେୟାଃ ମନ୍‌ସୁରୁଦ୍ ଧାନ୍ୟାବାଦ୍‌ତେ ପେରେଜଃକା ।

^୮ ଚିଗାଲ୍‌କାନ୍‌ପେ, ଜେତାଏ ଆପେକେ ହଡ୍‌ରାଃ ହସଡ୍ ସାମାକାଜିରେୟାଃ ସେଣ୍ଟାତେ, ଆୟାଃ ଆକ୍‌ତେୟାର୍‌ରେ ଆଲକାଏ ଦହପେକା । ଏନ୍ ସବେନ୍ ସେଣ୍ଟା ଖ୍ରୀଷ୍ଟ୍‌ଆଃ ଇନିତୁହେତେ କା ହିଜୁଃଆ । ମେନ୍‌ଦ ଏନା ହଡ୍‌କଆଃ ସାମାଜ୍‌ରେୟାଃ ରିତିରିଖାଜ୍‌ରାଃ ଇନିତୁ ଆଡଃ ଅତେଦିଶୁମ୍‌ରେ ରାଇଜ୍‌ତାନ୍ ପେଡ୍‌ଃରେୟାଃ ଏଡ୍‌କାନ୍ ଏନେଚେଦ୍ ଇନିତୁହେତେ ହିଜୁଃଆ । ^୯ ଚିଆଃତି ଖ୍ରୀଷ୍ଟ୍‌ଆଃ ମାନଖା ରୁପ୍‌ରେ, ପାରମେଶ୍ୱାର୍‌ଆଃ ପୁରା ସଭାବ୍ ତାଇନଃତାନା ।

୧୦ ଆତ୍ମ ଆୟାସଲକ୍ଷ୍ୟ ମେସାୟାନ୍ ହରାତେ ଆପେ ପୁରା ଜୀବନପେ ନାମାକାଦା । ଏଟାଃ ସବେନ୍ ପେଡ଼େଃ ଆତ୍ମ ଆକ୍ତେୟାର୍ ଚେତାନରେ ଶ୍ରୀଷ୍ଟିଆଃ ରାଜଜଗି ସାଲାଜି ଉତାର୍ ତାନାଃ ।

୧୧ ଶ୍ରୀଷ୍ଟିଲକ୍ଷ୍ୟ ମେସାକାନ୍ ଜୀବନଗି ଆପେୟାଃ ଖାତ୍ନାଅ ଲେକାନାଃ ତାନାଃ । ନେ ଖାତ୍ନାଅ ମାନଞ୍ଜା ବାଜତେୟାଃ ନାହାଁଲାଃ, ଏନା ଶ୍ରୀଷ୍ଟି ହରାତେ ହବାକାନା । ଏନା ମାନଞ୍ଜାକେ ପାପ୍ତେ ପେରେଜାକାନ୍ ହଡ଼ମରାଃ ତନଲ୍ଲହେତେ ରାଡ଼ାଇୟା ।

୧୨ ☆ରିଆଃଟି ବାପ୍ତିସ୍ମା ଇଦି ହରାତେ ଆପେ ଶ୍ରୀଷ୍ଟିଲକ୍ଷ୍ୟ କାବାର୍ରେ ତପାକାନ୍ ତାଇକେନାପେ ଆତ୍ମ ଯୀଶୁ ଶ୍ରୀଷ୍ଟିକେ ଜୀଉବିରିଦାକାଇ ପାର୍ମେଶ୍ଵାର୍ ଆଃ କାମିୟଃତାନ୍ ପେଡ଼େଃରେ ବିଶ୍ଵାସକେଦ୍ ହରାତେ ଶ୍ରୀଷ୍ଟିଲକ୍ଷ୍ୟ ଆପେୟଗି ଜୀଉ ବିରିଦ୍ କାନାପେ ।

୧୩ ☆ଆପେୟାଃ ପାପ୍ ହରାତେ ଆତ୍ମ ଆପେ ସାଅଁସାର୍ ହଡ଼କଆଃ ଆନ୍ତୁ କା ତାଇକେନ୍ ହରାତେ ମିସା ଆପେ ଆମ୍ବିକ୍ ଜୀବନରେ ଗଏଃକାନ୍ ତାଇକେନାପେ, ମେନ୍ଦ ପାର୍ମେଶ୍ଵାର୍ ନାହାଁଃ ଶ୍ରୀଷ୍ଟିଲକ୍ଷ୍ୟ ଆପେକେ ଜୀବନ୍ ଏମାକାଦ୍ ପେୟାଏ । ପାର୍ମେଶ୍ଵାର୍ ଆବୁଆଃ ସବେନ୍ ପାପ୍ କଏ ଛାମାକାଦା ।

୧୪ ☆ଆନ୍ତୁକ କା ମାନାଡିଙ୍ଗ୍ ହରାତେ ଆବୁଆଃ ବିରୁଧ୍ରେ ଅଲ୍ଲକାନ୍ ଅନଲ୍ଲଟିଠାକେ ପାର୍ମେଶ୍ଵାର୍ ସାମାତାନାଃ ମେନ୍ତେ ଉଦୁବ୍ କେଦା, ଆତ୍ମ ଆବୁକେ ଛାମାକେଦ୍ ବୁଆ । ଆବୁଆଃ ବିରୁଧ୍ରେ ତାଇକାନ୍ ଅନଲ୍ଲଟିଠାକେ ପାର୍ମେଶ୍ଵାର୍ ଇଦିକେଦାଏ ଆତ୍ମ କୁଗ୍ ଚେତାନରେ କିଲାକେଦା ।

୧୫ ଆତ୍ମ ଏନ୍ କୁଗ୍ ଚେତାନରେ ଶ୍ରୀଷ୍ଟି ସବେନ୍ ଲେକାନ୍ ଆମ୍ବିରେୟାଃ ପେଡ଼େଃ ଆତ୍ମ ଆକ୍ତେୟାର୍ ହେତେ ଆପାନ୍ କେ ରାଡ଼ାକେଦ୍ ତେ ଆତ୍ମ ଇନ୍ କୁକେ ତଲ୍ଲକେଦ୍ ତେ ଆଇଃକ୍ ଗି ଜିତାଅୟାନା । ପାର୍ମେଶ୍ଵାର୍ ସାଂସାର୍ରେନ୍ ହଡ଼କକେ ଉଦୁବାଦ୍ କଆ ଯେ, ଇନ୍ କୁ କା ପେଡ଼େୟାନ୍ କ ତାନ୍ କ ।

୧୬ ☆ଏନାତେ ଜେତାଏ ଆପେକେ ଜମ୍, ନୁଁ, ପାବିତାର୍ ବିଷାଏରେ, ଆମାସ୍ ପାରାବ୍, ଆତ୍ମ ରୁଡ଼ନୁ ହୁଲାଙ୍ଗ୍ ବିଷାଏରେ ଆଲକାଏ ବିଚାର୍ ପେକା ।

୧୭ ଏନ୍ ସବେନାଃ ହିଜୁଃ ଦିପିଲିରେ ହବାଅଃତେ ସେନଃତାନ୍ ବିଷାଏରେୟାଃ ଉମ୍ବୁଲ୍ ଲେକାନାଃ ତାନାଃ । ନେ

☆ ୨:୧୨ ୨:୧୨ ରୋମି ୭:୪. ☆ ୨:୧୩ ୨:୧୩ ଏଫିସିୟ ୨:୧-୫. ☆ ୨:୧୪ ୨:୧୪ ଏଫିସିୟ ୨:୧୫. ☆ ୨:୧୭ ୨:୧୭ ରୋମି ୧୪:୧-୭.

ସବେନାଃରେୟାଃ ସାର୍ତ୍ତିତେୟାଃ ଖ୍ରୀଷ୍ଟି ତାନିଃ ।^{୧୮} ଚିମିନ୍ ହଡକ ଆପାନ୍‌କେ ଲେବେଃୟାନ୍ ମେନ୍ତେକ କାଜିନା, ଦୁଁଡକକେ ସେଞ୍ଜା ରିକାଃକ, ଇନ୍‌କୁ ସବେନ୍ ଇମ୍‌ତା ଦାର୍‌ଶାନ୍ ନେଲ୍‌କାଦ୍ ବିଷ୍ଟାଏରେ ଜାଗାରାଃକ । ଆପେ ନେ'ଲେକାନ୍ ହଡକକେ, ଦାର୍‌ଶାନ୍ କାପେ ନେଲ୍‌ତାନା, ଦୁଁଡକକେ କାପେ ସେଞ୍ଜାତାନା, ଏନାମେନ୍ତେ ଆପେ ବୁଗିନ୍ ହଡ ନାହାଁଲାପେ ମେନ୍ତେ କାଜିନାଙ୍ଗ୍, ସୁଯୋଗ୍ ଆଲପେ ଏମାକଆ । ଇନ୍‌କୁ ହଡକଆଃ ବିଚାରରେ ଏସ୍‌କାର୍ ତାଇନ୍ ହରାତେ ଆତଃ ପାରମେଶ୍ୱାର୍‌ଆଃ କାଜି କା ବିଚାରତାନ୍ ହରାତେ ସାମାରେ ଆପାନ୍‌କେ ମାରାଙ୍ଗ୍ ମେନ୍ତେକ କାଜିନତାନା ।^{୧୯} ଶମେନ୍‌ଦ ଇନ୍‌କୁ ହଡ଼ମ୍‌ରେୟାଃ ବହଃ ଲେକାନ୍ ଖ୍ରୀଷ୍ଟତାଃଏତେ ବିନ୍‌ଗାଅକାନାକ । ଖ୍ରୀଷ୍ଟଆଃ ଆକ୍‌ତେୟାର୍‌ରେ ଗଟା ହଡ଼ମ୍‌ରେୟାଃ ଜଡେନ୍ ଆତଃ ସିହିରକ ମିଦ୍‌ରେ ଜଡାଇକାନା ଆତଃ ହଡ଼ମ୍‌ ପାରମେଶ୍ୱାର୍‌ଆଃ ମନେ ଲେକାତେ ହାରାଇଦିୟଃଆ ।

ଖ୍ରୀଷ୍ଟଲଃ ଗନଏଃ ଆତଃ ଜାନିଦ୍

^{୨୦} ଆପେ ଖ୍ରୀଷ୍ଟଲଃ ଅତେଦିଶ୍ୱମ୍‌ରେୟାଃ ଏନେଟେଦ୍ ଇନିତୁ ନାଙ୍ଗ୍ ଗଜାକାନାପେ ଆତଃ ନେ ଅତେଦିଶ୍ୱମ୍‌ରେ ରାଇଜେତାନ୍ ଏଡକାନ୍ ପେଡେଃହେତେ ରାଡ଼ାକାନାପେ । ତାବ୍‌ଦ ଚିନାଃମେନ୍ତେ ନେ ଅତେଦିଶ୍ୱମ୍‌ରେନ୍ ହଡକ ଲେକା ଜୀଦାନ୍‌ପେ ବିତାଅତାନା ? ଚିନାଃମେନ୍ତେ ନେ ଲେକାନ୍ ନିୟାମ୍‌ପେ ମାନାତିଙ୍ଗ୍ ତାନା ?^{୨୧} ଅକ୍‌ନାଃଟି, “ନେଆଁ ଆଲପେ ସାବେଆ, ଏନା ଆଲପେ ଜମେୟାଁ, ଏନା ଆଲପେ ଜୁଟିଦେ,”^{୨୨} ନେ ସବେନାଃ କାଟିଃ ଦିପିଲି ନାଙ୍ଗ୍ ତାନାଃ । ନେଆଁ ବାଉରାଅତାନ୍‌ଲଃଟି ସାମାକାଜି ଲେକା ହବାଅଃଆ । ନେ ସବେନାଃ ହଡତେ ବାଇୟାକାନ୍ ନିୟାମ୍ ଆତଃ ଇନିତୁ ତାନାଃ ।^{୨୩} ଇନ୍‌କୁଆଃ ଦୁଁଡକଆଃ ସେଞ୍ଜା, ହଡକଆଃ ବେଦା ଲେବେଃମନ୍ ଆତଃ ଆକଆଃ ହଡ଼ମ୍‌କେ ଦୁକୁହାସୁ ଏମେତେୟାଃ ତାନାଃ । ନେ'ଲେକାନ୍ ନିୟାମକ ସେଶାଁନ୍ ଲେକା ଆଟ୍‌କାରଃ ତାନା, ମେନ୍‌ଦ ନେ ନିୟାମକ ଆପ୍‌ନାଃ ଇଛାସାନାଙ୍ଗ୍ ଲେକା ସେଞ୍ଜାତାନ୍‌ତେୟାଃ ତାନାଃ । ନେଆଁ ଇନ୍‌କୁକେ ଆକଆଃ ପାପ୍ ଉଡ଼ୁ ଆତଃ ଏଡକାନ୍ କାମିହେତେ ସାଜିନ୍‌ରେ ତାଇନଃ ନାଙ୍ଗ୍ କାଏ ଦେଙ୍ଗାକଆଃ ।

☆ ୨:୧୯ ୨:୧୯ ଏଡିସିୟ ୪:୧୭.

୩

୧ ଆପେ ଖ୍ରୀଷ୍ଟଲକ୍ଷ ଗନ୍‌ଏଃହେତେ ଜୀଉ ବିରିଦାକାନାପେ । ଏନାତେ ସିର୍ମାରେୟାଃ ବିଷାଏକ ନାମେ ନାଗେନ୍ତେ ମନ୍ ଏମେପେ, ଚିଆଃଚି ଖ୍ରୀଷ୍ଟ ସିର୍ମାରେ ଆୟାଃ ରାଜ୍‌ଗାଦିରେ ପାର୍‌ମେଶ୍ଵାର୍‌ଆଃ ଜମ୍‌ସାଃରେ ଦୁବାକାନା । ୨ ଅତେଦିଶ୍ଵମ୍‌ରେୟାଃ ବିଷାଏରେ ମନ୍ କା ଏମ୍‌କେଦ୍‌ତେ ସିର୍ମାରେୟାଃ ବିଷାଏରେ ମନ୍ ଏମେପେ ଆତଃ ଉଡ଼୍‌ଠୁ ରିକାଏପେ । ୩ ଚିଆଃଚି ଆପେ ଗଏଃକାନାପେ ଆତଃ ଆପେୟାଃ ଜୀଦାନ୍ ପାର୍‌ମେଶ୍ଵାର୍‌ତାଃରେ ଖ୍ରୀଷ୍ଟଲକ୍ଷ ଉକୁଆକାନା । ୪ ଖ୍ରୀଷ୍ଟଗି ଆପେୟାଃ ସାର୍‌ଚି ଜୀଦାନ୍ ତାନିଃ ଆତଃ ଇନିଃ ଚିମ୍‌ତାଏ ଉଦୁବେନା ଇମ୍‌ତା ଆପେୟାଗି ଆୟାଃ ମାନାରାଜ୍‌ରେୟାଃ ହିସା ହବାକେଦ୍‌ତେ ଉଦୁବଃଆପେ ।

ମାରି ଆତଃ ନାଞ୍ଜା ଜୀଦାନ୍

୫ ଏନା ନାଗେନ୍ତେ ଆପେ ନେ ଅତେରେ ଆପାଜିର୍ କାମି, ସତ୍‌ରା, ଏଡ଼କାନ୍ ସାନାଜ୍, ଗିହୁଗାନ୍ ସାନାଜ୍, ଆତଃ ଖୁଜ୍‌କରେୟାଃ ହାୟାକ ବାଗିପେ । ଖୁଜ୍‌କରାଃ ହାୟା ହବାଅଃତାନା ମୁରୁଡ଼ ସେଞ୍ଜା । ୬ ଚିଆଃଚି ନେ ସବେନାଃରେ ତାଇନ୍‌କେଦ୍‌ତେ ଅକନ୍‌କ ପାର୍‌ମେଶ୍ଵାର୍‌କେ କାକ ମାନାତିୟାଃ, ଇନ୍‌କୁଆଃ ଚେତାନ୍‌ରେ ପାର୍‌ମେଶ୍ଵାର୍‌ଆଃ ଖ୍ଵ ହିଜୁଃଆ । ୭ ମିସା ଆପେ ନେ'ଲେକାନ୍ ଏଡ଼କାନ୍ ସାନାଜ୍‌ରେ ଜୀଦାନ୍ ବିତାଅ ତାଇକେନାପେ ।

୮ ମେନ୍‌ଦ ନାହାଃ ଆପେକେ ନେ'ଲେକାନ୍ ଖ୍ଵ, ହିସିଙ୍ଗା, ନିନ୍‌ଯା କାଜିକ ବାଗି ଲାଗାତିଙ୍ଗାୟାଃ । ଆପେ ଏଟାଃକକେ ଲାନ୍‌କାକ ଲେକାନ୍ କାଜିକ, ଆତଃ ଗିହୁଗଃ କାଜିକ ଆଲପେ ଜାଗାରେୟା । ୯ *ଆପେ ଆପେରେ ବେଦା କାଜି ଆଲପେ କାଜିୟା, ଚିଆଃଚି ଆପେ ମାରି ସଭାବ୍ ଚାଏ ଚାଇଲ୍ ଚାଲାନ ବାଗିକାଦାପେ, ୧୦ *ଆତଃ ନାଞ୍ଜା ସଭାବ୍ ଚାଏ ଚାଇଲ୍ ଚାଲାନ ସାବାକାଦାପେ । ଆପେୟାଃ ନେ ନାଞ୍ଜା ଜୀଦାନ୍ ହରାତେ ଆପେ ଅତେଦିଶ୍ଵମ୍ ବାବାଇନିଃ ଲେକାପେ ହବାକାନା, ଆତଃ ଆପେ ପାର୍‌ମେଶ୍ଵାର୍‌ଆଃ ବିଷାଏରେୟାଃ ସାର୍‌ଚି ସେଣ୍‌ପେ ନାମ୍‌ଇଦିତାନା । ୧୧ ଏନାତେ ଯିହୁଦୀ ଆତଃ ସାଅଁସାର୍ ହଡ଼କ ଆଲାରେ ଜେତାନ୍ ଡେଦ୍‌ଭାବ୍ ବାନଃଆ, ଖାଡ଼ନାଅ ଚାଏ କା

ଖାତନାଥ, ଏଗାଃ ଦିଶୁମ୍ରେନ୍ ଚାଏ ଆପ୍ନାଃ ଦିଶୁମ୍ରେନ୍, ସ୍ଵାଧୀୟ ହତ୍, କିରିଙ୍ଗ୍‌ୟାକାନ୍ ଦାସି ଚାଏ ତନଲ୍ ରାଡ଼ାକାନ୍ ଦାସି ସବେନ୍‌କ ମିଦ୍ ସାମାନ୍ ତାନ୍‌କ । ମେନ୍‌ଦ ଖ୍ରୀଷ୍ଟ୍ ସବେନ୍‌କଆଃରେ ମେନାଲ୍‌ୟା ଆତଃ ଇନିଃ ହବାଅଃତାନାଏ ସବେନ୍‌କଆଃ ।

୧୨ ☆ଆପେ ପାରମେଶ୍ଵାରଆଃ ହତ୍‌କ ତାନ୍‌ପେ । ଇନିଃ ଆପେକେ ଦୁଲାଡ଼କେଦ୍‌ତେ ଆୟାଃ ନାଗେନ୍ତେ ସାଲାକାଦ୍‌ପେୟା । ଏନାତେ ଆପେ ଲିନିବୁଇ, ଦାୟାଲୁ, ଲେବେୟେନ୍, ହୁଡ଼ିଙ୍ଗ୍‌ୟେନ୍ ଆତଃ ଧୂରାଜ୍ ସାବେ ଲେକାନ୍ ଲିଜାଃ ତୁସେୟେନ୍‌ପେ । ୧୩ ☆ମିହୁଡ୍, ଆତଃମିହୁଡ଼କେ ସାହାଡ଼ିଙ୍ଗ୍‌କ ତାନ୍‌ଲେକା ହବାଅପେ ଆତଃ ଜେତାଏୟାଃ ଏଗାଃନିଆଃ ବିରୁଧ୍‌ରେ କାଜି ମେନାଃରେଦ୍, ମିହୁଡ୍, ଆତଃମିହୁଡ଼କେ ଛାମାଲ୍‌ପେ । ପ୍ରାଭୁ ଆପେକେ ଛାମାକାଦ୍‌ପେ ଲେକାଗି, ଆପେ ମିହୁଡ୍, ଆତଃମିହୁଡ଼କେ ଛାମାଲ୍‌ପେ । ୧୪ ଆତଃ ନେ ସବେନ୍ ଚାଲ୍‌ଲି ଚାଲ୍‌ଲିଲିଃ ଦୁଲାଡ଼କେ ମେସାଏପେ । ଦୁଲାଡ୍, ସବେନ୍ ବିଷାଏକେ ମିଦ୍‌ତାଃରେ ମେସାଏତାନ୍‌ଲିଃ ତଲ୍‌କେଟେଦ୍‌ତାଃଏ । ୧୫ ଖ୍ରୀଷ୍ଟ୍ ଏମାକାଦ୍ ଜୀଉସୁକୁତେ ଆପେ ଉହାଟ୍‌କାଦ୍ ତେୟାଃକକେ ଆୟୁରତେ ଇଦି ନାଙ୍ଗ୍ ଦେଙ୍ଗାପେକାଏ, ଚିଆଃଚି ନେ ଜୀଉସୁକୁ ନାଗେନ୍ତେ ପାରମେଶ୍ଵାର୍ ଆପେକେ ମିଦ୍‌ତେ ମିଆଁଦ୍ ହତ୍‌ମ୍ ହବାଅଃ ନାଙ୍ଗ୍ ସାଲାକାଦ୍‌ପେୟାଏ । ସବେନ୍ ଇମ୍‌ତା ଧାନ୍ୟାବାଦ୍ ହବାଅଃକା । ୧୬ ☆ଖ୍ରୀଷ୍ଟ୍‌ଆଃ ବିଷାଏରେୟାଃ ଇନିତୁ ଆପେୟାଃ ମନ୍‌ସୁରୁଦ୍‌ରେ ପୁରାଃତେ ତାଇନ୍‌କା । ସେଣାନ୍ ଲେକାତେ ମିହୁଡ୍, ଆତଃମିହୁଡ଼କେ ଇତୁ ଆତଃ ଆରୁକପେ । ଦୁରାଙ୍ଗ୍ ଗାମୁତାନ୍‌ଲିଃ, ଆତଃ ଆମ୍‌ରେୟାଃ ଦୁରାଙ୍ଗ୍‌କ ଦୁରାଙ୍ଗ୍‌ତାନ୍‌ଲିଃ ପାରମେଶ୍ଵାର୍‌କେ ଆପେୟାଃ ମନ୍‌ସୁରୁଦ୍‌ତେ ଧାନ୍ୟାବାଦ୍ ଏମାଲ୍‌ପେ । ୧୭ ଆପେ କାଜିତେ ଚାଏ କାମିତେ ଜେତ୍‌ନାଃଚି ରିକାତାନ୍‌ତେୟାଃ ପ୍ରାଭୁ ଯାଶୁଆଃ ନୁଡ଼ମ୍‌ତେ ରିକାତାନ୍‌ଲିଃ ଆପୁ ପାରମେଶ୍ଵାର୍‌କେ ଧାନ୍ୟାବାଦ୍ ଏମାଲ୍‌ପେ ।

ନାଞ୍ଜା ଜୀଦାନ୍‌ରେ ଆରୁଆଃ ନାତା

☆ ୩:୧୨ ୩:୧୨ ଏଫିସିୟ ୪:୨. ☆ ୩:୧୩ ୩:୧୩ ଏଫିସିୟ ୪:୩୨. ☆ ୩:୧୭ ୩:୧୭ ଏଫିସିୟ ୫:୧୯,୨୦.

୧୮ ☆ଏ କୁଡ଼ିକ, ଆପେ ଆପେୟାଃ କଡ଼ାକତାଃରେ ଜିମାନପେ । ପ୍ରାଭୁକେ ଅତଙ୍ଗତାନକ ଲେକା ନେଆଁ ରିକା ଲାଗାତିଙ୍ଗୟାଃ ।

୧୯ ☆ଏ କଡ଼ାକ, ଆପେୟାଃ କୁଡ଼ିକକେ ଦୁଲାଡ଼କପେ । ଇନ୍‌କୁକେ ଖ୍‌ସ୍‌ଅଃ ଲେକା ଆଲପେ ବାଇକଆ ।

୨୦ ☆ଏ ହନ୍‌କ, ଆପେ ସବେନ୍‌ ଇମ୍‌ତା ଆପେୟାଃ ଏଙ୍ଗାଆପୁକକେ ମାନାତିଙ୍ଗକପେ । ନେଆଁ ଖ୍ରୀଷ୍ଟକେ ଅତଙ୍ଗତାନକକେ ରିକା ଲାଗାତିଙ୍ଗୟାଃ, ଚିଆଃଚି ପାର୍‌ମେଶ୍‌ବାର୍ ନେଆଁରେ ସୁକୁଃଆ ।

୨୧ ☆ଏ ଏଙ୍ଗାଆପୁକ, ଆପେ ହନ୍‌କକେ ଆଲପେ କାଏରାଅକଆ । କା'ରେଦ ଇନ୍‌କୁ ହୁଡ଼ିଙ୍ଗ ଜୀଉକଆଃକ ।

୨୨ ☆ଏ କିରିଙ୍ଗୟାକାନ ଦାସିକ, ସବେନ୍‌ ବିଷାଏରେ ଅତେରେନ୍‌ ଆପେୟାଃ ମାନଖା ଗୁସିୟାକଆଃ କାଜି ଆୟୁମେପେ, ଇନ୍‌କୁ ଆପେକେ ନେଲ୍‌ପେ ଇମ୍‌ତା ଇନ୍‌କୁକେ ସୁକୁଇତିକ ନାଗେନ୍ତେ ଏସ୍‌କାର୍ କାହାଗି, ମେନ୍‌ଦ ପ୍ରାଭୁଆଃ ନାଗେନ୍ତେ ବରଭାକ୍ତିତାନଲଃ ଆପ୍‌ନାଃ ମନ୍‌ସୁରୁଦ୍‌ରେୟାଃ ସାନାଙ୍ଗ ଲେକାତେ କାମିପେ ।

୨୩ ଆପେ କାମିତାନ କାମି, ହଡ଼କଆଃ ନାଗେନ୍ତେ କା କାମିକେଦ୍‌ତେ ପାର୍‌ମେଶ୍‌ବାର୍‌ଆଃ ନାଗେନ୍ତେ କାମିତାନାଲେ ମେନ୍ତେ ଉଡ଼ୁଡ଼ାନଲଃ ଆପେୟାଃ ସବେନ୍‌ ମନ୍‌ସୁରୁଦ୍‌ଲଃ କାମିପେ । ୨୪ ପାହାମେପେ, ପାର୍‌ମେଶ୍‌ବାର୍ ଆୟାଃ ହଡ଼କ ନାଗେନ୍ତେ ଅକ୍‌ନାଃ ଦହକାଦାଏ, ଏନା ଆପେକେ ନାଲା ଲେକାଏ ଏମାପେୟା । ଚିଆଃଚି ଆପେ ସେଖାତାନ, ଖ୍ରୀଷ୍ଟଗି ଆପେୟାଃ ସାର୍‌ତି ଗୁସିୟା ତାନିଃ । ୨୫ ☆ଆଡ଼ଃ ସବେନ୍‌ ଏଡ଼କାନ କାମିତାନକ ଆକଆଃ ଏଡ଼କାନ କାମି ନାଗେନ୍ତେ ସାଜାଇକ ନାମେୟା, ଚିଆଃଚି ପାର୍‌ମେଶ୍‌ବାର୍ ସବେନ୍‌ ହଡ଼କକେ ଆକଆଃ କାମି ଲେକା ସାମାନଗି ବିଚାରକଆ ।

୪

୧ ☆ଏ ଗୁସିୟାକ, ଆପେୟାଃ ଦାସିକଆଃ ଅକ୍‌ନାଃ ବୁଗିନାଃ ଆଡ଼ଃ ଠାଉକାନଗି ହବାଅଃଆ ଏନ୍‌ଲେକାଗି ରିକାକପେ । ସିର୍ମାରେ

☆ ୩:୧୮ ୩:୧୮ ଏପିସିୟ ୫:୨୨; ୧ ପାଡ଼ରାସ୍ ୩:୧. ☆ ୩:୧୯ ୩:୧୯ ଏପିସିୟ ୫:୨୫; ୧ ପାଡ଼ରାସ୍ ୩:୭. ☆ ୩:୨୦ ୩:୨୦ ଏପିସିୟ ୬:୧. ☆ ୩:୨୧ ୩:୨୧ ଏପିସିୟ ୬:୪. ☆ ୩:୨୨ ୩:୨୨ ଏପିସିୟ ୬:୫-୮. ☆ ୩:୨୫ ୩:୨୫ ଏପିସିୟ ୬:୯. ☆ ୪:୧ ୪:୧ ଏପିସିୟ ୬:୯.

ଆପେୟାଃ ହରି ମିଆଁଦ୍ ଗୁସିୟାଁ ମେନାଲୟା ମେନ୍ତେ ପାହାମେପେ ।

ଏଟାଃ ଏଟାଃ ବିଷାଏରେ ଆନାରୁ

୨ ସବେନ୍ ଇମ୍ତା ବିନ୍ତ୍ରିରେ ଜୀଦାନ୍ ବିତାଏପେ ଆତଃ ପାର୍ମେଶ୍ଵାର୍‌କେ ଧାନ୍ୟାବାଦ୍ ଏମକେଦ୍‌ତେ ବିନ୍ତ୍ରିରେ ଚିହ୍ନାକାନ୍ ତାଇନ୍‌ପେ । ୩ ଖ୍ରୀଷ୍ଟୁଆଃ ବିଷାଏରେ ଉକୁଆକାନ୍ କାଜିକେ ଉଦୁବେ ନାଜ୍ ଦୁଆର୍ ନିଜେକାଏ ମେନ୍ତେ ପାର୍ମେଶ୍ଵାର୍ ଆଲେକେ ବୁଗିନ୍ ସୁଯୋଗ୍ ଏମାଲେକାଏ, ଏନାମେନ୍ତେୟାଗି ଆଲେ ନାଗେନ୍ତେ ବିନ୍ତ୍ରିପେ । ଚିଆଃଟି ଏନା ନାଗେନ୍ତେ ଆଇଜ୍ ନାହାଃ ଜେହେଲ୍‌ରେ ମେନାଲୟାଁ, ୪ ଆତଃ ବିନ୍ତ୍ରିପେ, ଆଇଜ୍ ଜେ'ଲେକା ନେ କାଜିକେ ସାର୍‌ତି ଆତଃ ଆବ୍‌କାର୍‌ଉରୁମ୍ ଦାଡ଼ିୟାଃ ଲେକାଲଜ୍ ଉଦୁବ୍ ଦାଡ଼ିୟା ।

୫ ✧ଆପେୟାଃ ସବେନ୍ ସୁଯୋଗ୍‌କେ ବୁଗିଲେକା ବେଭାର୍‌କେଦ୍‌ତେ କା ବିଶ୍ଵାସ୍‌ତାନ୍ ହଡ଼କତାଃରେ ସେଣାନ୍ ଲେକାତେ ଚାଇଲ୍ ଚାଲାନ ରିକାଏପେ । ୬ ଆପେୟାଃ ଜାଗାରକ ସବେନ୍ ଇମ୍ତା ହେଡ଼େମାନ୍ ଆତଃ ସୁକୁଆନ୍ ଲେକା ହବାଅଃକା । ଆତଃ ଚିଲ୍‌କା ଆପେ ସବେନ୍‌କକେ ଠାଉକାଗି କାଜିରୁହାଡ଼୍ ଦାଡ଼ିୟାପେ, ଏନା ଆପେକେ ସାରି ଲାଗାତିୟାଁ ।

ଚୁଣ୍ଡୁ ଜୁହାର୍

୭ ✧✧ଆରୁଆଃ ଦୁଲାଡ଼୍ ହାଗା ଚୁଣ୍ଡକ୍, ଅକଏତି ପ୍ରାଭୁଆଃ କାମିରେ ପାତିୟାର୍‌ରଃ ଲେକାନ୍ ସୁସାର୍‌ନିଃ ଆତଃ ଆଇୟାଃଲଃ ମିସାତେ କାମିତାନ୍ ଗାତିଦାସି ତାନିଃ । ଇନିଃ ଆଇୟାଃ ବିଷାଏରେ ଆପେକେ ସବେନାଃଏ କାଜିୟାପେଆ । ୮ ଆଲେ ଚିଲ୍‌କା ମେନାଲେୟା, ଏନ୍ ସବେନ୍ ବିଷାଏ କାଜିକେଦ୍‌ତେ ଆପେକେ ଜୀଉରେ ରାସକା ଏମ୍ ନାଜ୍ ଆଇଜ୍ ଇନିଃକେ ଆପେତାଃତେଇଜ୍ କୁଲିତାନା । ୯ ✧ଆୟାଃଲଃ ଆପେୟାଃ ଝୁଣ୍ଡରେନ୍ ଦୁଲାଡ଼୍ ପାତିୟାର୍‌ରଃ ଲେକାନ୍ ହାଗା ଅନିସିମସ୍‌ହ୍ ସେନ୍‌ତାନାଏ । ଇନକିନ୍ ଆପେକେ ନେତାଃରେ ହବାଅଃତାନ୍ ସବେନ୍ କାଜିକ ଉଦୁବାପେୟାକିନ୍ ।

✧ ୪:୫ ୪:୫ ଏପିସିୟ ୫:୧୭. ✧ ୪:୭ ୪:୭ ପ୍ରେରିଡ଼୍ ୨୦:୪; ୨ ତିମଥ୍ ୪:୧୨. ✧ ୪:୭ ୪:୭ ଏପିସିୟ ୭:୨୧,୨୨. ✧ ୪:୯ ୪:୯ ଫିଲ୍‌ମନ୍ ୧:୧୦-୧୨.

୧୦ ✨ଆଇଁୟାଃଲଃ ଜେହେଲକାନ୍ ଆରିସ୍ତାର୍ଗ ଆତଃ ଆୟାଃଲଃ ବର୍ଣ୍ଣବାସ୍ତାଆ ଆପ୍ନାଃ ହଡ଼ ମାର୍କହଗି ଆପେକେ ଜହାର୍ ମେନ୍ତେ କାଜିକୁଲେ ତାନା । ମାର୍କ ଆପେତାଃତେ ସେନ୍ରେ ଇନିଃକେ ଦାରମିପେ । ନେ କାଜି ଆପେକେ ସିଦାରେଗି ଆରୁକାନା ।
 ୧୧ ଯୁସ୍ତ ନୁତୁମ୍ତେ ସାରିୟଃତାନ୍ ଯିହୋଶୁୟହ୍ ଜହାର୍ ମେନ୍ତେ କାଜିକୁଲ୍ ତାନା । ଖ୍ରୀଷ୍ଟକେ ବିଶ୍ୱାସକେଦ୍ତେ ନେ ଆପିହଡ଼୍ ଯିହୁଦୀକ ଏସକାର୍ ପାରମେଶ୍ୱାର୍ଆଃ ରାଇଜ୍ ନାଗେନ୍ତେ ଆଇଁୟାଃଲଃ ମିସାତେ କାମିକେଦ୍ତେ ଆଇଙ୍ଗକେ ପୁରାଃଗିକ ଦେଙ୍ଗାକାଦିୟାଁ ।

୧୨ ✨ଏପାପ୍ପା ଆପେକେ ଜହାର୍ ମେନ୍ତେ କାଜିକୁଲ୍ ତାନା । ଇନିଃ ଯୀଶୁ ଖ୍ରୀଷ୍ଟଆଃ ଦାସି ଆତଃ ଆପେୟାଃ ଝୁଣ୍ଟ୍ରେନ୍ ହଡ଼ ତାନିଃ । ଆପେ ପାରମେଶ୍ୱାର୍ଆଃ ଇଛାସାନାଙ୍ଗ୍ରେୟାଃ ପୁରା ମାନାଡିଙ୍ଗ୍ ତାନକ ହବାକେଦ୍ତେ ପକ୍ତା ଆତଃ କେଟେୟାନ୍ ବିଶ୍ୱାସୀ ଲେକା ଡିଙ୍ଗୁକେଟେଦ୍ ଦାଡିୟାପେ, ଏନାମେନ୍ତେ ଇନିଃ ଆପେ ନାଗେନ୍ତେ ପାରମେଶ୍ୱାର୍ତାଃରେ ସବେନ୍ ଇମ୍ତାଏ ବିକ୍ରିତାନା ।
 ୧୩ ଆପେ ନାଗେନ୍ତେ, ଲାଉଦିକିଆ ଆତଃ ହିଏରାପଲିରେନ୍ ହଡ଼କଆଃ ନାଗେନ୍ତେ ଇନିଃ ରିକାକାଦ୍ କେଟେଦ୍ କାମି ବିଷାଏରେ ଆଇଙ୍ଗ୍ ଗାଞ୍ଜା ଏମେତାନାଇଙ୍ଗ୍ ।
 ୧୪ ✨ଆରୁଆଃ ଦୁଲାଡ୍ ବାଇଦ୍ ଲୁକ୍ ଆତଃ ଦିମା ଆପେକେ ଜହାର୍ ମେନ୍ତେ କାଜିକୁଲ୍ ତାନା ।

୧୫ ଲାଉଦିକିଆରେନ୍ ଖ୍ରୀଷ୍ଟ ବିଶ୍ୱାସୀ ହାଗାକକେ, ମିଗି ନୁମ୍ପା ଆତଃ ଆୟାଃ ଅଡ଼ାଃରେ ହୁଣ୍ଟିୟଃତାନ୍ କାଲିସିୟାରେନ୍ ସବେନ୍କକେ ଆଲେୟାଃ ଜହାର୍ ଉଦୁବାକପେ ।
 ୧୬ ଆପେ ନେ ଚିଟାଉ ପାଡ଼ାଅ ଚାବାକେଦ୍ ତାୟମ୍ତେ, ଲାଉଦିକିଆ କାଲିସିୟାରେନ୍ ହଡ଼କକେ ନେ ଚିଟାଉକେ ପାଡ଼ାଅ ନାଗେନ୍ତେ ଏମାକପେ । ଆତଃ ଆଇଙ୍ଗ୍ ଲାଉଦିକିଆକେ ଅକ ଚିଟାଉ ଅଲ୍ଲାକାଦାଇଙ୍ଗ୍, ଏନାକେୟଗି ଆପେ ପାଡ଼ାଏପେ ।
 ୧୭ ✨ଆତଃ ଆଖି ପସକେ କାଜିପେ, “ପ୍ରାଭୁଆଃ ସେଞ୍ଜା ନାଗେନ୍ତେ ଆମକେ ଅକ ବାହାରମ୍ ଏମାକାନ୍ ତାଇକେନା, ଏନା ରିକାତେଗି ରିକାଏମେ ।”

✨ ୪:୧୦ ୪:୧୦ ପ୍ରେରିଡ଼ ୧୯:୨୯; ୨୭:୨; ଫିଲ୍ମନ୍ ୧:୨୪; ପ୍ରେରିଡ଼ ୧୨:୧୨,୨୫; ୧୩:୧୩; ୧୫:୩୭-୩୯. ✨ ୪:୧୨ ୪:୧୨ କଲସିୟ ୧:୭; ଫିଲ୍ମନ୍ ୧:୨୩. ✨ ୪:୧୪ ୪:୧୪ ୨ ଡିମଥ୍ ୪:୧୧; ଫିଲ୍ମନ୍ ୧:୨୪; ୨ ଡିମଥ୍ ୪:୧୦; ଫିଲ୍ମନ୍ ୧:୨୪. ✨ ୪:୧୭ ୪:୧୭ ଫିଲ୍ମନ୍ ୧:୨.

୧୮ ଆଇଙ୍ଗ୍ ପାଉଲୁସ୍ ଆଇଁୟାଃ ଆପ୍ନାଃ ଅନଲ୍‌ତେଗି ଜହାର୍
ମେନ୍ତେଇଙ୍ଗ୍ କାଜିକୁଲ୍ ତାନା । ଆଇଙ୍ଗ୍ ଜେହେଲ୍‌ରେ ସିକିଡିତେ
ତଲାକାନ୍‌ତେୟାଃକେ ପାହାମାକାପେ । ପାର୍‌ମେଶ୍ୱାର୍‌ଆଃ ସାୟାଦ୍
ଆପେ ସବେନ୍‌କଲିଃ ହବାଅଃକା ।

ପାରମେଶ୍ଵାରଆଃ ଜୀନିଦ୍ ବାଚାନ୍
The New Testament in the Munda language of India:
ପାରମେଶ୍ଵାରଆଃ ଜୀନିଦ୍ ବାଚାନ୍

copyright © 2020 The Word for the World International

Language: ମୁଞ୍ଡା (Muṅḍa) (Munda)

Contributor: The Word for the World International

ପାରମେଶ୍ଵାରଆଃ ଜୀନିଦ୍ ବାଚାନ୍
ନାଞ୍ଜା ନିୟମ୍ , 2020

The New Testament in Munda Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-13

PDF generated using Haiola and XeLaTeX on 22 Feb 2024 from source files dated 14 Apr 2023

903abb6b-97c3-582d-9df8-a6a8f2fce6d6